

18 JAN 2003

AGONG HADIRI MAJLIS PERKAHWINAN ANAK PEREMPUAN TUNGGAL KSN

PUTRAJAYA 18 Jan (Bernama) -- Yang di-Pertuan Agong Tuanku Syed Sirajuddin Syed Putra Jamalullail dan Raja Permaisuri Agong Tuanku Fauziah Tengku Abdul Rashid malam ini berangkat ke majlis perkahwinan anak perempuan tunggal Ketua Setiausaha Negara, Tan Sri Shamsudin Osman.

Pasangan pengantin itu ialah Suzleena Shamsudin dan Hydir Ismail Johari. Majlis berlangsung di rumah Shamsudin di sini.

Majlis persandingan dimulakan dengan bacaan doa oleh Imam Masjid Negara Datuk Pirdaus Ismail, diikuti dengan acara menepung tawar yang didahului Yang di-Pertuan Agung dan Raja Permaisuri Agong.

Turut hadir Pemangku Raja Perlis Tuanku Syed Faizuddin dan Raja Puan Muda Perlis Tuanku Lailatul Shareen Khalil Akashah serta Perdana Menteri Datuk Seri Dr Mahathir Mohamad.

--BERNAMA

SSA RV ZB